

## Ho Phela Evangeli



---

### Sabatha Mantsiboea

#### Bakeng sa Thuto ea Beke ena Bala:

*Ba-Roma. 8:20–23; John 3:16, 17; Matt. 9:36; Eph. 2:8–10; 1 John 3:16, 17; Tšen.14:6, 7.*

#### Temana ea Khopolo:

“Hobane le bolokehile ke mohau, ka tumelo; ha ho tsoe ho lōna, ke mpho ea Molimo, hase ka mesebetsi, ho tle ho se ke ha e-ba motho ea ithorisang. Hobane re mosebetsi oa oona, re bopetsoe ho Jesu mesebetsi e molemo, eo Molimo o e lokisitseng pele, re tle re itsamaele ho eona”(*Ba-Efese 2:8–10*).

**H**ang ha re bua ka melao, litaelo kapa tse hlokoang ke Molimo ho rōna, re ba kotsing-kapa ho tobana le teko—ea ho nahana hore mohlomong ka tsela e itseng re ka fumana kapa ra etsa letho pholohong kapa ka tsela e ’ngoe ho fumana mohau ho Molimo. Empa Bibeले e re bolella khafetsa hore re baetsalibe ba bolokehang ka mohau oa Molimo ka Jesu le sehlabelo sa lefu la hae bakeng sa rōna sefapanong. Ke eng se ka eketsoang ho see ha e ba se teng? Kapa, joalo ka ha Ellen G. White a ngotse: “Ha e ne e ba o ka bokella tsohle tse molemo le tse halalelang, le tse khahlehang, le tse ratehang ho batho, le ho li hlahisa kapele ho mangeloi a Molimo e ka li nka karolo pholohong ea moea oa motho kapa ho nkela sebaka, taba eo e ne e tla lahleloa matjoeing le ho nkoa e le teko ea ho liea ’muso.”—*Faith and Works*, p. 24. Ka hona, le eona mesebetsi ea mohau le kutloelo bohloko malebana le bahloki ha li ea lokela ho nkoa e le ho behoa ea lokileng ka liketso tsa molao. Ho ena le hoo, ha re ntse re hola kutloisisong le ho ananeleng pholoho, khokahano lipakeng tsa lerato la Molimo le khathatseho ea hae bakeng sa bafutsana le ba hateletsoeng e tla fetisetsoa ho rōna, baamoheli ba lerato la hae. Re amohetse, joale re tla fana. Ha re bona ka moo Molimo a re ratileng kateng, hape re bona ka moo a ratang ba bang le ho memela ho ba rata le rōna.

*\*Ithute thuto ea beke ena ho lokisetsa Sabatha sa la Loetse 7.*

## “Hobane Molimo O Ratile . . .”

John 3:16 e re, “Hobane Molimo o ratile lefatše ha kalo. . .”— ‘me lentsoe la se-Gerike ke kosmos, le bolelang “lefatše joalo ka ha le hlotsoe, le ho hlophoa.”—SDA Bible Commentary, vol. 5, lq. 929. Temana ea bua ka pholoho bakeng sa batho, empa morero oa topollo o na le se amang tlholeho eohle.

**Bala Ba-Roma 8:20–23. See se re ruta eng ka bophara ba litaba tsa morero oa topollo?**

---

---

Ruri, boemong bo bong, pholoho e re ama ka bo mong likamanong tsa rōna le Morena. Empa ho fetisa mono. Ho beoa ea lokileng ka tumelo ha se taba fela ea hore libe tsa rōna li tšoareloe. Hantle-tle, e lokela e be hape ka hore na ke joang, ka Jesu le matla a Moea a Halalelang, Morena a thehang lelapa la Molimo, le ketekang tšoarelle le tiisetso ea pholoho ka hoo, hara tse ling, hoba lipaki lefatšeng ka mesebetsi ea bona e molemo.

**Bala John 3:16, 17. Ke joang temana ea 17 e ekeletsang kutloisisong e pharaletseng ea temana ea 16?**

---

---

Re ka amohela hore Molimo o rata batho ba bang ntle le rōna. O rata bao re ba ratang, ‘me re nyakalla ke hona. Hape o rata bao re ba fihlelang, ‘me ho ela ‘nete ena hloko ha rōna ha ngata ke tšusumetso ho rōna ea ho ba sebeletsa. Empa hape o rata bao re sa ikutloeng hantle ka bona, kapa bao re ba tšabang. Molimo o rata batho bohle, hohle, le bao re ke keng ea ba rata ka tsela e itseng.

Tlholeho ke tsela e ‘ngoe eo re bonang sena se hlakile. Bible ka phehello e supa lefatše le re potileng e le bopaki ba molemo oa Molimo: “‘Hobane o chabisetsa ba babe le ba batle letsatsi la hae, ‘me o nesetsa ba lokileng le ba khopo’” (Matt. 5:45). Le bophelo ka bo bona ke mpho e tsoang ho Molimo, ho sa natsoe karabo ea motho ka mong le boitšoaro ba malebana le Molimo, motho ka mong ke moamoheli oa mpho eo.

**Re lokela ho fetola boitšoaro ba rōna joang malebana le ba bang le maemo a bona ha re ba nka e le libopuoa tse bopioeng le ho ratoa ke Molimo?**

## Kutloelo Bohloko le Pako

Letoto la lipale tsa topollo le toants'ano e kholo li re biletsa ho ananela 'nete ka bophelo ba motheo bakeng sa kutloisiso ea lefatše le rōna le bo-rōna, 'me ke hore: rōna le lefatše la rōna re oele, le ho soahlamana, le boetsalibe. Lefatše la rōna ha le seo le neng le hloletsoe ho ba sona, 'me le ha re ntse re jere setšoantšo sa Molimo ea bopileng, re karolo ea ho soahlamana ha lefatše. Sebe se maphelong a rōna ke sa boleng bo le bong le se bakang bobo bo bakang bohloko, khatello, le tlatlapo hohle holim'a lefatše. Ka hona, ho loketse ho rōna ho utloa bohloko, ho se tsietsi, lillo, le tlokotsi ea lefatše le ea maphelo a re potileng. Re ka lokela ho ba li-roboti hore re se ke ra utloa bohloko ba bophelo mona. Lillo tse bukeng ea Lipesaleme, mahlomola a Jeremia le baporofeta ba bang, le meokho le kutloelo bohloko ea Jesu li bontša ho lekela ha karabelo ena ea mosa lefatšeng le boholong ba lōna, 'me haholo-holo ho bao hangata ba utloisoang bohloko ke bokhopo.

**Bala Mattheu 9:36, 14:14, Luka 19:41, 42, le John 11:35. Ke eng litemaneng tsee ka bo 'ngoe e susumelitseng Jesu ho ba le kutloelo bohloko? Ke joang re ka bang le pelo e nolofalitsong bakeng sa bohloko bo re potileng?**

---

---

---

Hape re lokela ho hopola hore sebe le bokhopo ha li felle “kantle mane,” kapa litla-morao tsa ho oela ha motho e mong: “Ha re re, ha re na sebe, rea ithetsa, 'me 'nete ha e eo ho rōna” (1 John 1:8). Kutloisisong ea baporofeta ba Bibe, sebe e ne e tlokotsi e seng ka hobane motho e mong a “tlotse litaelo,” empa sebe se khaotse likamano lipakeng tsa Molimo le batho ba hae, 'me hape sebe sa rōna se utloisa ba bang bohloko. Sena se ka nka sebaka boemong bo bonyenyane kapa bo boholo, empa ke bokhopo bo tšoanang.

Boikhantšo, ho khala, bokhonatha, ho ea ka leeme, ho hloka tsebo, le bohlasoa, li khubung ea bokhopo bohle ba lefatše, ho hloka toka, bofutsana, le khatello. 'Me ho ipolela libe ke khato ea pele ea ho sebetsana le bokhopo bona, le nka khato ea pele ea ho lumella lerato la Molimo ho nka sebaka se nepahetseng lipelong tsa rōna: “Ha re ipolela libe tsa rōna, Molimo oa tšepaha, o lokile, hore o re tšoarele libe, 'me o re hlatsoe bokhopo bohle” (1 John 1:9).

**A ko ichebe (empa e seng haholo-holo kapa nako e telele). Ke ka litsela life o fosahetseng le ho ba karolo ea bothata bo boholo? Karabo ke efe e loketseng, sebaka se le seng fela sa ho sheba?**

## Mohau le Mesebetsi e Molemo

**Akaretsa Ba-Efese 2:8–10 ka matsoe a hao. Litemana tsee li re bolella eng ka likamano lipakeng tsa mohau le mesebetsi e molemo?**

---

---

Bibele e re bolella hore hara lintho tse ling, re bopetsoe ho khumamela Molimo le ho sebeletsa ba bang. Ke ka mohopolo fela re ka lekang ho utloisisa liketso tse hore li tla ba joang tikelohong e se nang sebe. Ha joale, ka lebaka la sebe, re tseba feela lefatše le oeleng le ho bola. Ka lehlohonolo rōna, mohau oa Molimo o bonahalitsoeng le ho senoloa sehlabelong sa Jesu bakeng sa libe tsa lefatše, o bula tsela ea tšoarello le pholo. Ka hona, le hara ho oela hona ho teng maphelong a rōna e ba tšebetso ea Molimo ka botlalo, 'me Molimo o re sebelisa ho sebetsa 'moho le eena ho batla ho folisa le ho khutlisa tšenylo le kotsi maphelong a ba bang (sheba Ba-Efe. 2:10). “Ba amohelang ba lokela ho fetisetsa ho ba bang. Ho tsoa likarolong tsohle ho hlaha limemo tsa ho kopa thuso. Molimo o biletsa batho ho sebeletsa ka thabo batho ba bang.”—Ellen G. White, *The Ministry of Healing*, p. 103.

Hape, ha re etse mesebetsi e molemo—ho hlokomela bafutsana, ho phahamisa ba hateletsoeng, ho fepa ba lapileng—e le ho fummana pholoho kapa ho ema le Molimo. Ho Krete, ka tumelo, re na le ho ema hohle le Molimo hoo re ka ho hlokang. Empa, re itemoha re baetsalibe le mahlatsipa a sebe, ao, leha ho le joalo, a ratiloeng le ho lopolloa ke Molimo. Ha re ntse re loantšana le liteko tsa boikhabo le bokhonatha, mohau o iketsang sehlabelo le boikokobetso tsa Molimo li fana ka mofuta o mocha oa bophelo le lerato le ka fetolang maphelo a rōna.

Ha re sheba sefapanong, re bona sehlabelo se sehlo le se phethahetseng seo re se etselitsoeng le ho hlokomela hore re ke ke ra eketsa letho ho seo re fuoang ho Krete. Empa sena ha se bolele hore ha rea lokela ho etsa se seng ho arabela seo re seng re se filoe ka Krete. Empa, re lokela ho arabela, 'me ke ka tsela efe e molemo eo re ka arabelang lerato la Molimo leo re le bontšitsoeng ho feta ho bontša lerato ho ba bang?

**Bala 1 John 3:16, 17. Ke joang litemana tsee li nkang ka matla seo karabelo ea rōna sefapanong e lokelang ho ba eona?**

---

---

## Botho ba Rōna bo Tšoanang

Ka bosebeletsi ba hae le thuto, Jesu o khothalelitse phetoho e akaretsang. Bohle ba mo batlang ka lipelo tsohle—e ka ba basali ba tumileng ka mekhoha e mebe, balekhetso, balepera, basamaria, baetapele ba makhotla a Roma, baetapele ba bolumeli, kapa bana—Ho ba amohetse ka mofuthu le ka tlhokomelo. Joalo ka ha kereke ea pele e ne e tla sibolla ka litsela tse hlollang, sena se ne se kenyeletsa neo ea pholoho. Ha balumeli ba pele hanyane ba hlokomela ho akaretsa ha Evangeli, ba ne ba eketse ka mesebetsi e molemo fela bakeng sa ba bang tumelong ea bona e le ntho e “ntle” ho ka etsoa. E ne e le khubu kutloisisong ea bona ea Evangeli, joalo ka ha ba bile le maiphihlelo a eona bophelong, bosebeletsing, le lefung le Jesu. Ha ba ntse ba loantsšana le litaba le lipotso tse neng li hlaha, qalong ka bo mong bakeng sa baetapele ba kang Paulose le Petrose (sheba, ka mohlala, Lik. 10:9–20), ha morao e se e le kereke ka kakaretso lekhotleng la Jerusalema (sheba Lik. 15), ba qalella ho ela hloko phetoho e kholo eo litaba tse molemo tsena li neng li e tlisa kutloisisong ea bona ea lerato la Molimo le ho akaretsa le ka moo e lokelang ho pheloa kateng maphelong a ba ipolelang e le balateli ba hae.

**Temana ka 'ngoe ka e latelang e re ruta eng ka botho ba rōna bo tšoanang? Ke joang khopolo ka 'ngoe e susumetsang boitšoarō malebana le ba bang?**

Mal. 2:10

---

Lik. 17:26

---

Ba-Roma.:23

---

Ba-Gal. 3:28

---

Ba-Galata 3:28 ke mokhoa thuto oa kakaretso oa ho pheleha ha pale eo Jesu a ileng a pheta ka Mosamaria ea Molemo. Ho e na le ho pheha khang ea hore na ke bomang bao re tlamehang ho ba sebeletsa, tsamaea 'me o sebeletse, 'me mohlomong le ho ikemisetsa ho sebeletsoa ke bao re ke keng ea labella hore ba re seneletse. Taba e tšoanang ea lelapa la botho lefatše ka bophara e eloa hloko e le boemo bo holimo lelapeng le tloaelehileng la bao batlamiloeng 'moho ke Evangeli, ka lerato le bolokang la Molimo le re biletsang bonngoeng le eena: “Hobane rōna bohle re kolobelitsoe Moeeng o le mong, hore re be 'mele o le mong, leha e le Bajude, leha e le ba-Gerike, leha ele ba ruiloeng leha e le ba sa ruoang” (1 Ba-Kor.. 12:13).

## Evangeli ea Kamehla le Mehla

Memo e fetolang le boipiletso ba Evangeli ho “lichaba tsohle, le mefuta eohle, le lipuo tsohle, le merabe eohle” (Tšen.14:6) e tsoetse pele nalaleng eohle ea Bokreste. Leha ho le joalo, Tšenolo e hlalosa phatlatatso e nchafetseng ea molaetsa ona—litaba tse molemo ka Jesu le tsohle tse amanang—qetellong ea nako.

**Bala Tšenolo 14:6, 7. Ke joang kutloisiso ea Evangeli-eo ka tloaelo ea akaretsoang ke John 3:16—e kenyeletseng le molaetseng o khethehileng oa lengeloi temaneng ea 7?**

---



---

Tšenolo 14:7 tlisa hammoho lintlha tse tharo tseo re seng re li qolotse boithutong bona ba khathatseho ea Molimo ka bokhopo, le bofutsana, le khatello ka hohle paleng ea Bible:

**Kahlolo.** Boipiletso ba kahlolo—hore toka e etsoe—e bile pitso e phetoang ea ba hateletsoeng nalaneng eohle. Ka lehlohonolo, Bible e bontša Molimo e le ea utloang lillo tsa ba leng mahlomoleng. Joalo kaha hangata ho bontšoa Lipesalemeng, ka mohlala, ba sa tšoarolang hantle ba nka kahlolo e le litaba tse molemo.

**Khumamelo.** Lingoloa tsa baporofeta ba ba-Heberu hangata li hokahanya taba ea khumamelo le liketso tse molemo, haholo-holo ha ho bapisoa khumamelo ea ba ipolelang e le batho ba Molimo le bobele ba bo entseng le ho ntšetsa pele. Ho Esaia 58, ka mohlala, Molimo o boletse ka ho hlaka hore khumamelo eo ae hlokang e ne e le Liketso tsa mohau le ho hlokomela bahloki le mafutsana (sheba Esa. 58:6, 7).

**Tiholeho.** Joalo ka ha re bone, e ’ngoe ea lintlha tsa motheo tsa potso ea Molimo bakeng sa toka ke ho tšoana ha lelapa la botho, hore bohle re entsoe ka setšoantšo sa hae le ho ratoa ke eena, hore bohle re na le bohle boleng ka pela sefahleho sa hae le hore ha ho ea loketsoeng ke ho tlatlapuoa kapa ho hatelloa molemong oa e mong le bokhonatheng ba hae. Ho banahala ho hlakile hore phatlatatso ena ea nako ea ho qetela ea Evangeli ke e pharalatseng le e fihlelang hohle ho amohela pholoho, le topollo, le nchafatso eo Molimo a e batlang bakeng sa moloko o oeleng. Ke ka hoo, le hara litaba tse malebana le khumamelo ea ’nete le ea bohata, le lihloriso (sheba Tšen.14:8–12), Molimo o tla ba le sechaba se tla emela se nepahetseng, litaelo tsa Molimo le tumelo ea Jesu, le hara bokhopo bo tloatseng.

**Ke joang re ka fumanang litsela tsa ho sebeletsa ba hlokang ha ka nako e tšoanang re ntse re arolelang le bona tšepo le lithokomeliso tse fumanoang melaetseng ea mangeloi a mararo?**

## Ho Ithuta Haholoanyane:

Bala Ellen G. White, “‘Molimo With Us,’” pp. 19–26, *The Desire of Ages*; “‘Saved to Serve,’” pp. 95–107, in *The Ministry of Healing*. “Molimo o bolela ha lefatše lohle e le serapa sa hae. Leha ha joale le le matsohong a sera, ke la Molimo. Ka topollong e ntseng e sa fete ttholeho ke la hae. Hobane ke bakeng sa lefatše sehlabelo sa Krete se ileng sa etsoa. ‘Molimo o ratile lefatše, hoo a bileng a le nea Mora oa oona a tsoetsoeng a ’notši.’ John 3:16. Ke ka mpho eo e le ’ngoe e bang limpho tsohle li se li fuoa motho. Lefatše le amohela mahlohonolo a tsoang ho Molimo letsatsi ka leng. Lerotholi ka leng la pula, lehlaseli ka leng la leseli le re chabisetsoa moloko oa rōna o se nang teboho, lekhasi ka leng le palesa le tholoana, li paka ka mamello le lerato le lehlo la Molimo.”—Ellen G. White, *Christ’s Object Thutos*, pp. 301, 302. “Haho sa le Mojuda, leha e le mo-Gerike; haho sale ea ruiloeng, leha e le ea sa ruoang; le atamelitsoe ke mali a Krete. (Ba-Gal. 3:28; Eph. 2:13). “Ho tsotellehe phapano ea tumelo ea bolumeli, khoehetso ea motho ea mahlomoleng e lokela ho utlhoa le ho arabeloa. . . . “Ka hohle re potiloe ke meea e hlophehileng, e lekiloeng e hlokang mantsoe a rōna a kutloelo bohloko le liketso tse thusang tse molemo. Hona le bahlolohali ba hlokang kutloelo bohloko le thuso. Hona le likhutsana tseo Krete a itseng balateli ba hae ba li amohela e le letlotlo le tsoang ho Molimo. Hangata bana ba fetoa fela ka ho se tsotelloe. Ba ka ba litšila, ba tsoa tseleng, ’me ka tsela tsohle ba bonahala ba sa khahlehe; empa ke thepa ea Molimo. Ba rekiloe ka theko, ’me ba bohlokoa mahlong a hae joalo ka rōna. Ke litho tsa lelapa le lehlo la Molimo, ’me Bakreste joalo ka liqhoku tsa hae ba jara boikarabelo ba bona.”—Ellen G. White, *Christ’s Object Thutos*, pp. 386, 387.

## Lipotso tsa Puisano:

1. Ka ho batla ho etsa liketso tse molemo le ho thusa ba bang, ke joang re ka hanelang teko ea ho nahana hore sena ka tsela e itseng se etsa hore re be ba betere le ho re fa tokelo eo Molimo e kang o lokelang ho e ela hloko?
2. Na kereke ea hao ke sehlopha seo ho se nang “phapano,” empa bohle ba bonngoeng ho Krete? Ke joang e ka bang joalo? Kereke e kennyetsa ba bang ho le ho kae?
3. Re lekanya joang ho etsa liketso tse molemo ho ba hlokang, ha e ba e se ka lebaka le leng ha e se hore fela ke hobane ba hloka, ’me re ka ba thusa, ha ka nako e tsoanang re ntse ba sebeletsa ka linnete tsa Evangeli? Ke joang re ka ithutang ho li etsa tse peli, ’me ke hobaneng kamehla ho le molemo ho li etsa peli?

## Kakaretso:

Lerato la Molimo joalo ka ha le bontšitsoe morerong oa topollo le bonahatsoa bophelong, le sehlabelong seo ka sona Jesu a re fang tsoarelo. Joalo ka baamoheli ba mohau ona, re hloka ho arolelana ena le ba bang, e seng ho fumana pholoho, empa hobane e le seo re bopetsoeng ho se etsa le ho boptjoa bocha ho se etsa. Ka tsela eo, Evenageli e fetola likamano le ho re susumeletsa ho sebeletsa, haholo-holo ba bohloking.